

« [p.995] Sachent tous que je Pierre des Essars escuier seigneur de Charny et de Trambly en partie tien et adveue a tenir a une foy et homaige de religieuse et discrete persoone et puissante personne monseigneur labbé de Saint Denys en France ce qui sensuit cestassavoir onze quartiers de terre seant au terrouer de Trambly en une piece au lieu que len dit la voye saint pere tenant dune part a Jehan Sergant et dautre part a monseigneur de Nantouillet. Item troiz fiefs seans a Ermenonville prez de Gonnesse que tient de moy Denis de Lorris comme curateur de Philippot Marcel dont lun contient la moitie dun moulin assiz en la riviere de Croust avecques drois et appartenances. Item troiz mines de ble prises chacun an le jour de saint Andrieu sur le moulin. Item troiz sextiers de ble prins le jour de saint Andrieu sur le moulin de Mesnay assis a Garges. Item le second fief contient ung hostel avec le jardin comme tout se comporte appelle la villette et XXI arpens et demy de terre assis en plusieurs pieces audit terrouer de Ermenonville. Item deux arpens de prez assis audit terrouer. Item environ six livres tant de menu cens que rentes tous portant les ventes amendes et saisines deubz et receups audit hostel de la villette le jour des octaves saint Denys. Item XVIII arpens et XIX boisseaux de ble deubz landemain de noel et le tiers de la seignourie jusques a LX sols en la voirie de ladite ville. Item le tiers fief contient XXII arpens et demy de terre et environ demy arpent de vigne tous assis audit terrouer en plusieurs lieux. Item le champart de XXIII arpens de terre de terre assis audit terrouer en plusieurs pieces et lesquels tiennent plusieurs personnes avecques toutes les ventes saisines et amendes et drois prouffits et emolumens et revenues quelsconques diceulx. Item troiz mines de ble de rente prises le jour saint Andrieu sur ledit moulin de Mesnay et se plus y en a plus en adveue a tenir de mondit seigneur. [p.996] En tesmoing de ce jay scellé ceste presente lettre de mon sel lan IIII^e le XVe jour de juing. »